

معلومة قبطية

والتر إوينج كرام

✎ خدام مدرسة مار إفرام السرياني

مقال عن والتر إوينج كرام الباحث البريطاني بعلم القبطيات و صاحب أول قاموس إنجليزي قبطي

💡 المصدر الرئيسي: [Wikipedia](#)

كثير للأسف "بيقاوح" في الصلاة باللغة القبطية ... ناس تقول: أنا ليه أصلي بلغة أنا مش فاهمها؟ و الحل بالنسبة لهم بدل ما يتعلّموا حتى الحاجات البسيطة بالقبطي عشان يستمتعوا بتراث الكنيسة و ألقانها و صلواتها إنهم يلغوا القبطي خالص من الصلاة على الناحية الثانية بنلاقي في أوروبا ناس مهتمة جداً بالقبطي لما يمثّله من تراث عظيم ... من ضمنهم العالم والتر إوينج كرام ... تعالوا نشوف إزاي

- كرام اتولد سنة 1865 في اسكتلندا

- كان أديب و عالم في الدراسات القبطية Coptology ... و ال Coptology علم مُعترف بيه و مهم في الغرب, مش بس عشان التراث الكنسي ... بل التراث المصري كله قبل دخول العرب

- بعد ما اتخرّج من جامعة أوكسفورد, اهتم بدراسة المصريات Egyptology لدرجة إنه سافر باريس و برلين عشان يبحث في دراسته أكثر

- أفنى معظم حياته في دراسة اللغة القبطية

- سنة 1939م عمل مرجع عظيم جداً ... قاموس قبطي إنجليزي اسمه A Coptic Dictionary ... القاموس جه نتاج أكثر من 30 سنة شغل و بحث مع مجموعة من الباحثين

- القاموس ده بقى المرجع الرسمي للغة القبطية في أوروبا لأنه كان غني جداً بالمعلومات الدقيقة و التفاصيل اللي مبنية على دراسة

- كمان ترجم كتب كتير منها كتب للبابا أنناسيوس الرسولي

أهمية اللغة القبطية

كان مقتنع جداً إن اللغة القبطية هي لغة الكنيسة المصرية و تراثها, و إنها ماينفعش تنساب و تندثر ... و أفنى حياته عشان يبحث فيها
و ده الصح ... اللغة القبطية أهميتها اللي عرفها حتى الغرب إنها تحمل تراث تاريخي و لاهوتي لكنيسة الإسكندرية القديمة

- مات سنة 1944